

乾隆大藏經



御製

佛光恩照三千大千
恒沙法界普度衆生
身心安泰年時豐稔
日月升恒乾坤清寧
上下樂利中外協和
萬善圓成情與無情
大清雍正十三年四月初八日
隨緣徧滿
悉證菩提
風雨調順
百昌蕃熾
庶物咸亨
同登正覺

大乘經 般若部 (五)

第 5 册

一：一 大般若波羅蜜多經六百卷（一八一至二三〇）

（暑一—暑十、徃一—徃十、秋一—秋十、收一—收十、冬一—冬十）

唐三藏法師 玄奘 詔譯

卷一八一（暑一）	一	卷一八二（暑二）	一九
卷一八三（暑三）	三四	卷一八四（暑四）	四八
卷一八五（暑五）	六二	卷一八六（暑六）	七七
卷一八七（暑七）	九二	卷一八八（暑八）	一〇八
卷一八九（暑九）	一二三	卷一九〇（暑十）	一三六
卷一九一（徃一）	一五〇	卷一九二（徃二）	一六四
卷一九三（徃三）	一七九	卷一九四（徃四）	一九三
卷一九五（徃五）	二〇八	卷一九六（徃六）	二二四
卷一九七（徃七）	二四〇	卷一九八（徃八）	二五四
卷一九九（徃九）	二七一	卷二〇〇（徃十）	二八七
卷二〇一（秋一）	三〇一	卷二〇二（秋二）	三一六
卷二〇三（秋三）	三三〇	卷二〇四（秋四）	三四六
卷二〇五（秋五）	三六〇	卷二〇六（秋六）	三七六
卷二〇七（秋七）	三九二	卷二〇八（秋八）	四〇八
卷二〇九（秋九）	四二四	卷二一〇（秋十）	四四〇
卷二一一（收一）	四五六	卷二一二（收二）	四七三
卷二一三（收三）	四九〇	卷二一四（收四）	五〇五
卷二一五（收五）	五二〇	卷二一六（收六）	五三四

卷二一七(收七)	五四九	卷二一八(收八)	五六四
卷二一九(收九)	五八〇	卷二二〇(收十)	五九七
卷二二一(冬一)	六一一	卷二二二(冬二)	六二五
卷二二三(冬三)	六四〇	卷二二四(冬四)	六五五
卷二二五(冬五)	六七〇	卷二二六(冬六)	六八八
卷二二七(冬七)	七〇三	卷二二八(冬八)	七一九
卷二二九(冬九)	七三四	卷二三〇(冬十)	七五一



清刻龍藏佛說法變相圖

大般若波羅蜜多經卷第一百八十一 暑一

唐三藏法師玄奘奉 詔譯

初分讚般若品第三十二之十

復次世尊預流向預流果無生故當知般若
波羅蜜多亦無生一來向一來果不還向不

暑一

還果阿羅漢向阿羅漢果無生故當知般若
波羅蜜多亦無生預流向預流果無滅故當
知般若波羅蜜多亦無滅一來向乃至阿羅
漢果無滅故當知般若波羅蜜多亦無滅預
流向預流果無自性故當知般若波羅蜜多
亦無自性一來向乃至阿羅漢果無自性故
當知般若波羅蜜多亦無自性預流向預流
果無所有故當知般若波羅蜜多亦無所有
一來向乃至阿羅漢果無所有故當知般若
波羅蜜多亦無所有預流向預流果空故當

知般若波羅蜜多亦空一來向乃至阿羅漢
果空故當知般若波羅蜜多亦空預流向預
流果無相故當知般若波羅蜜多亦無相一
來向乃至阿羅漢果無相故當知般若波羅
蜜多亦無相預流向預流果無願故當知般
若波羅蜜多亦無願一來向乃至阿羅漢果
無願故當知般若波羅蜜多亦無願預流向
預流果遠離故當知般若波羅蜜多亦遠離
一來向乃至阿羅漢果遠離故當知般若波
羅蜜多亦遠離預流向預流果寂靜故當知
般若波羅蜜多亦寂靜一來向乃至阿羅漢
果寂靜故當知般若波羅蜜多亦寂靜預流
向預流果不可得故當知般若波羅蜜多亦
不可得一來向乃至阿羅漢果不可得故當
知般若波羅蜜多亦不可得預流向預流果

不可思議故當知般若波羅蜜多亦不可思
議一來向乃至阿羅漢果不可思議故當知
般若波羅蜜多亦不可思議預流向預流果
無覺知故當知般若波羅蜜多亦無覺知一
來向乃至阿羅漢果無覺知故當知般若波
羅蜜多亦無覺知預流向預流果勢力不成
就故當知般若波羅蜜多勢力亦不成就一
來向乃至阿羅漢果勢力不成就故當知般
若波羅蜜多勢力亦不成就世尊我緣此意
故說菩薩摩訶薩般若波羅蜜多名大波羅
蜜多復次世尊獨覺無生故當知般若波羅
蜜多亦無生獨覺菩提無生故當知般若波
羅蜜多亦無生獨覺無滅故當知般若波羅
蜜多亦無滅獨覺菩提無滅故當知般若波
羅蜜多亦無滅獨覺無自性故當知般若波

羅蜜多亦無自性獨覺菩提無自性故當知般若波羅蜜多亦無自性獨覺無所有故當知般若波羅蜜多亦無所有獨覺菩提無所有故當知般若波羅蜜多亦無所有獨覺空故當知般若波羅蜜多亦空獨覺菩提空故

當知般若波羅蜜多亦空獨覺無相故當知般若波羅蜜多亦無相獨覺菩提無相故當知般若波羅蜜多亦無相獨覺無願故當知般若波羅蜜多亦無願獨覺菩提無願故當知般若波羅蜜多亦無願獨覺遠離故當知

署一

三

般若波羅蜜多亦遠離獨覺菩提遠離故當知般若波羅蜜多亦遠離獨覺寂靜故當知般若波羅蜜多亦寂靜獨覺菩提寂靜故當知般若波羅蜜多亦寂靜獨覺不可得故當知般若波羅蜜多亦不可得獨覺菩提不可

得故當知般若波羅蜜多亦不可得獨覺不可思議故當知般若波羅蜜多亦不可思議獨覺菩提不可思議故當知般若波羅蜜多亦不可思議獨覺無覺知故當知般若波羅蜜多亦無覺知獨覺菩提無覺知故當知般若

若波羅蜜多亦無覺知獨覺勢力不成就故當知般若波羅蜜多勢力亦不成就獨覺菩提勢力不成就故當知般若波羅蜜多勢力亦不成就世尊我緣此意故說菩薩摩訶薩般若波羅蜜多名大波羅蜜多復次世尊菩薩摩訶薩無生故當知般若波羅蜜多亦無生菩薩摩訶薩行無生故當知般若波羅蜜多亦無生菩薩摩訶薩無滅故當知般若波羅蜜多亦無滅菩薩摩訶薩行無滅故當知般若波羅蜜多亦無滅菩薩摩訶薩無自性

故當知般若波羅蜜多亦無自性菩薩摩訶
薩行無自性故當知般若波羅蜜多亦無自
性菩薩摩訶薩無所有故當知般若波羅蜜
多亦無所有菩薩摩訶薩行無所有故當知
般若波羅蜜多亦無所有菩薩摩訶薩空故
當知般若波羅蜜多亦空菩薩摩訶薩行空
故當知般若波羅蜜多亦空菩薩摩訶薩無
相故當知般若波羅蜜多亦無相菩薩摩訶
薩行無相故當知般若波羅蜜多亦無相菩
薩摩訶薩無願故當知般若波羅蜜多亦無
願菩薩摩訶薩行無願故當知般若波羅蜜
多亦無願菩薩摩訶薩遠離故當知般若波
羅蜜多亦遠離菩薩摩訶薩行遠離故當知
般若波羅蜜多亦遠離菩薩摩訶薩寂靜故
當知般若波羅蜜多亦寂靜菩薩摩訶薩行

署一

四

寂靜故當知般若波羅蜜多亦寂靜菩薩摩
訶薩不可得故當知般若波羅蜜多亦不可
得菩薩摩訶薩行不可得故當知般若波羅
蜜多亦不可得菩薩摩訶薩不可思議故當
知般若波羅蜜多亦不可思議菩薩摩訶薩
行不可思議故當知般若波羅蜜多亦不可
思議菩薩摩訶薩無覺知故當知般若波羅
蜜多亦無覺知菩薩摩訶薩行無覺知故當
知般若波羅蜜多亦無覺知菩薩摩訶薩勢
力不成就故當知般若波羅蜜多勢力亦不
成就菩薩摩訶薩行勢力不成就故當知般
若波羅蜜多勢力亦不成就世尊我緣此意
故說菩薩摩訶薩般若波羅蜜多名大波羅
蜜多復次世尊如來應正等覺無生故當知
般若波羅蜜多亦無生無上正等菩提無生

故當知般若波羅蜜多亦無生如來應正等覺無滅故當知般若波羅蜜多亦無滅無上正等菩提無滅故當知般若波羅蜜多亦無滅如來應正等覺無自性故當知般若波羅蜜多亦無自性無上正等菩提無自性故當知般若波羅蜜多亦無自性如來應正等覺無所有故當知般若波羅蜜多亦無所有無上正等菩提無所有故當知般若波羅蜜多亦無所有如來應正等覺空故當知般若波羅蜜多亦空無上正等菩提空故當知般若波羅蜜多亦空如來應正等覺無相故當知般若波羅蜜多亦無相無上正等菩提無相故當知般若波羅蜜多亦無相如來應正等覺無願故當知般若波羅蜜多亦無願無上正等菩提無願故當知般若波羅蜜多亦無

願如來應正等覺遠離故當知般若波羅蜜多亦遠離無上正等菩提遠離故當知般若波羅蜜多亦遠離如來應正等覺寂靜故當知般若波羅蜜多亦寂靜無上正等菩提寂靜故當知般若波羅蜜多亦寂靜如來應正等覺不可得故當知般若波羅蜜多亦不可得無上正等菩提不可得故當知般若波羅蜜多亦不可得如來應正等覺不可思議故當知般若波羅蜜多亦不可思議無上正等菩提不可思議故當知般若波羅蜜多亦不可思議如來應正等覺無覺知故當知般若波羅蜜多亦無覺知無上正等菩提無覺知故當知般若波羅蜜多亦無覺知如來應正等覺勢力不成就故當知般若波羅蜜多勢力亦不成就無上正等菩提勢力不成就故

卷一

六

當知般若波羅蜜多勢力亦不成就世尊我緣此意故說菩薩摩訶薩般若波羅蜜多名大波羅蜜多復次世尊一切法無生故當知般若波羅蜜多亦無生一切法無滅故當知般若波羅蜜多亦無滅一切法無自性故當知般若波羅蜜多亦無自性一切法無所有故當知般若波羅蜜多亦無所有一切法空故當知般若波羅蜜多亦空一切法無相故當知般若波羅蜜多亦無相一切法無願故當知般若波羅蜜多亦無願一切法遠離故當知般若波羅蜜多亦遠離一切法寂靜故當知般若波羅蜜多亦寂靜一切法不可得故當知般若波羅蜜多亦不可得一切法不可思議故當知般若波羅蜜多亦不可思議一切法無覺知故當知般若波羅蜜多亦無

六

龍藏

覺知一切法勢力不成就故當知般若波羅蜜多勢力亦不成就世尊我緣此意故說菩薩摩訶薩般若波羅蜜多名大波羅蜜多

初分謗般若品第三十三

爾時具壽舍利子白佛言世尊若菩薩摩訶

卷一

七

薩於此甚深般若波羅蜜多能信解者從何處沒來生此間世尊是菩薩摩訶薩發趣無上正等菩提已經幾時世尊是菩薩摩訶薩曾親近供養幾所如來應正等覺世尊是菩薩摩訶薩修習布施淨戒安忍精進靜慮般若波羅蜜多為已久如世尊是菩薩摩訶薩云何信解如是般若波羅蜜多甚深義趣佛言舍利子若菩薩摩訶薩於此甚深般若波羅蜜多能信解者從十方界無數無量無邊如來應正等覺法會中沒來生此間舍利子

是菩薩摩訶薩發趣無上正等菩提已經無數無量無邊百千俱胝那庾多劫舍利子是菩薩摩訶薩已曾親近供養無數無量無邊不可思議不可稱量如來應正等覺舍利子是菩薩摩訶薩從初發心常勤修習布施淨戒安忍精進靜慮般若波羅蜜多已經無數無量無邊百千俱胝那庾多劫舍利子若菩薩摩訶薩見此般若波羅蜜多便作是念我爲見佛聞此般若波羅蜜多便作是念我聞佛說舍利子是菩薩摩訶薩以無相無二無

所得爲方便能正信解如是般若波羅蜜多甚深義趣爾時具壽善現白佛言世尊甚深般若波羅蜜多爲有能聞能見者不佛言善現如是般若波羅蜜多實無能聞及能見者如是般若波羅蜜多亦非所聞及非所見何

以故善現色無聞無見諸法鈍故受想行識無聞無見諸法鈍故善現眼處無聞無見諸法鈍故耳鼻舌身意處無聞無見諸法鈍故色處無聞無見諸法鈍故聲香味觸法處無聞無見諸法鈍故善現眼界無聞無見諸法暑一鈍故色界眼識界及眼觸眼觸爲緣所生諸受無聞無見諸法鈍故耳界無聞無見諸法鈍故聲界耳識界及耳觸耳觸爲緣所生諸受無聞無見諸法鈍故鼻界無聞無見諸法鈍故香界鼻識界及鼻觸鼻觸爲緣所生諸受無聞無見諸法鈍故舌界無聞無見諸法鈍故味界舌識界及舌觸舌觸爲緣所生諸受無聞無見諸法鈍故身界無聞無見諸法鈍故觸界身識界及身觸身觸爲緣所生諸受無聞無見諸法鈍故意界無聞無見諸法

鈍故法界意識界及意觸意觸爲緣所生諸
受無聞無見諸法鈍故善現地界無聞無見
諸法鈍故水火風空識界無聞無見諸法鈍
故善現無明無聞無見諸法鈍故行識名色
六處觸受愛取有生老死愁歎苦憂惱無聞

無見諸法鈍故善現布施波羅蜜多無聞無
見諸法鈍故淨戒安忍精進靜慮般若波羅
蜜多無聞無見諸法鈍故善現內空無聞無
見諸法鈍故外空內外空空大空勝義空
有爲空無爲空畢竟空無際空散空無變異

署一

九

空本性空自相空共相空一切法空不可得
空無性空自性空無性自性空無聞無見諸
法鈍故善現真如無聞無見諸法鈍故法界
法性不虛妄性不變異性平等性離生性法
定法住實際虛空界不思議界無聞無見諸

法鈍故善現苦聖諦無聞無見諸法鈍故集
滅道聖諦無聞無見諸法鈍故善現四靜慮
無聞無見諸法鈍故四無量四無色定無聞
無見諸法鈍故善現八解脫無聞無見諸法
鈍故八勝處九次第定十遍處無聞無見諸
法鈍故善現四念住無聞無見諸法鈍故四
正斷四神足五根五力七等覺支八聖道支
無聞無見諸法鈍故善現空解脫門無聞無
見諸法鈍故無相無願解脫門無聞無見諸
法鈍故善現五眼無聞無見諸法鈍故六神
通無聞無見諸法鈍故善現佛十力無聞無
見諸法鈍故四無所畏四無礙解大慈大悲
大喜大捨十八不共法無聞無見諸法鈍
故善現無忘失法無聞無見諸法鈍故恒住
捨性無聞無見諸法鈍故善現一切智無聞

無見諸法鈍故道相智一切相智無聞無見
諸法鈍故善現一切陀羅尼門無聞無見諸
法鈍故一切三摩地門無聞無見諸法鈍故
善現預流無聞無見諸法鈍故一來不還阿
羅漢無聞無見諸法鈍故善現預流向預流
果無聞無見諸法鈍故一來向一來果不還
向不還果阿羅漢向阿羅漢果無聞無見諸
法鈍故善現獨覺無聞無見諸法鈍故獨覺
菩提無聞無見諸法鈍故善現菩薩摩訶薩
無聞無見諸法鈍故菩薩摩訶薩行無聞無
見諸法鈍故善現如來應正等覺無聞無見
諸法鈍故無上正等菩提無聞無見諸法鈍
故善現一切法無聞無見諸法鈍故具壽善
現復白佛言世尊諸菩薩摩訶薩積行久如
便能修學甚深般若波羅蜜多佛言善現於

此事中應分別說善現有菩薩摩訶薩從初
發心即能修學甚深般若波羅蜜多亦能修
學靜慮波羅蜜多精進波羅蜜多安忍波羅
蜜多淨戒波羅蜜多布施波羅蜜多善現是
菩薩摩訶薩有方便善巧故不謗諸法於一
切法不增不減是菩薩摩訶薩常不遠離布
施淨戒安忍精進靜慮般若波羅蜜多相應
之行亦常不離諸佛世尊及諸菩薩摩訶薩
衆是菩薩摩訶薩從一佛土趣一佛土欲以
珍奇諸妙供具供養恭敬尊重讚歎諸佛世
尊及諸菩薩摩訶薩等隨意成辦亦能於彼
諸如來所植衆善根是菩薩摩訶薩隨受身
處不墮母腹胞胎中生是菩薩摩訶薩心常
不與煩惱雜住亦曾不起二乘之心是菩薩
摩訶薩恒不遠離殊勝神通從一佛國趣一

十一

署一

十一

佛國成熟有情嚴淨佛土善現是菩薩摩訶
薩能正修學甚深般若波羅蜜多善現有菩
薩乘諸善男子善女人等雖曾見多佛若多
百佛若多千佛若多百千佛若多俱胝佛若
多百俱胝佛若多千俱胝佛若多百千俱胝
佛若多百千俱胝那庾多佛於諸佛所亦多
修習布施淨戒安忍精進靜慮般若而有所
得爲方便故不能修學甚深般若波羅蜜多
亦不能修學靜慮波羅蜜多精進波羅蜜多
安忍波羅蜜多淨戒波羅蜜多布施波羅蜜
多善現是善男子善女人等聞說如是甚深
般若波羅蜜多便從座起捨衆而去善現是
善男子善女人等不敬如是甚深般若波羅
蜜多亦不敬佛既捨如是甚深般若波羅蜜
多亦捨諸佛今此衆中亦有彼類聞我說是

甚深般若波羅蜜多心不悅可捨衆而去所
以者何是善男子善女人等先世聞說甚深
般若波羅蜜多已曾捨去今世聞說如是般
若波羅蜜多由宿習力還復捨去是善男子
善女人等於此所說甚深般若波羅蜜多身
語及心皆不和合由斯造作增長愚癡惡慧
罪業彼由造作增長愚癡惡慧罪業聞說如
是甚深般若波羅蜜多即便毀謗障礙棄捨
彼既毀謗障礙棄捨如是般若波羅蜜多則
爲毀謗障礙棄捨過去未來現在諸佛一切
相智彼由毀謗障礙棄捨過去未來現在諸
佛一切相智即便造作增長能感墮正法業
彼因造作增長能感墮正法業墮大地獄經
歷多歲若多百歲若多千歲若多百千歲若
多俱胝歲若多百俱胝歲若多千俱胝歲若

署一

十二

多百千俱胝歲若多百千俱胝那庾多歲大地獄中受諸楚毒猛利大苦彼罪重故於此世界從一大地獄至一大地獄乃至火劫水劫風劫未起已來受諸楚毒猛利大苦若此世界火劫水劫風劫起時彼墮法業猶未盡故死已轉生他方世界與此同類大地獄中經歷多歲若多百歲若多千歲若多百千歲若多俱胝歲若多百俱胝歲若多千俱胝歲若多百千俱胝歲若多百千俱胝那庾多歲大地獄中受諸楚毒猛利大苦彼罪重故於他世界從一大地獄至一大地獄乃至火劫水劫風劫未起已來受諸楚毒猛利大苦若他世界火劫水劫風劫起時彼墮法業猶未盡故死已轉生餘方世界與此同類大地獄中經歷多歲若多百歲若多千歲若多百千

歲若多俱胝歲若多百俱胝歲若多千俱胝歲若多百千俱胝歲若多百千俱胝那庾多歲大地獄中受諸楚毒猛利大苦彼罪重故於餘世界從一大地獄至一大地獄乃至火劫水劫風劫未起已來受諸楚毒猛利大苦如是展轉遍歷東方諸餘世界大地獄中受諸楚毒猛利大苦如是展轉遍歷南方諸餘世界大地獄中受諸楚毒猛利大苦如是展轉遍歷西方諸餘世界大地獄中受諸楚毒猛利大苦如是展轉遍歷北方諸餘世界大地獄中受諸楚毒猛利大苦如是展轉遍歷東北諸餘世界大地獄中受諸楚毒猛利大苦如是展轉遍歷東南諸餘世界大地獄中受諸楚毒猛利大苦如是展轉遍歷西南諸餘世界大地獄中受諸楚毒猛利大

苦如是展轉遍歷西北方諸餘世界大地獄中受諸楚毒猛利大苦如是展轉遍歷下方諸餘世界大地獄中受諸楚毒猛利大苦如是展轉遍歷上方諸餘世界大地獄中受諸楚毒猛利大苦若彼諸餘十方世界火劫水劫風劫起時彼匱法業猶未盡故死已還生此間世界大地獄中從一大地獄至一大地獄乃至火劫水劫風劫未起已來受諸楚毒猛利大苦若此世界火劫水劫風劫起時彼匱法業猶未盡故死已復生他餘世界遍歷十方大地獄中受諸楚毒猛利大苦如是輪迴經無數劫彼匱法罪業勢稍微從地獄出墮傍生趣經歷多歲若多百歲若多千歲若多百千歲若多俱胝歲若多百俱胝歲若多百千俱胝歲若多百千俱胝歲若多百千俱胝

那庾多歲受傍生身備遭殘害恐逼等苦罪未盡故於此世界從一險惡處至一險惡處乃至火劫水劫風劫未起已來備遭殘害恐逼等苦若此世界三災壞時彼匱法業餘勢未盡死已轉生他方世界與此同類傍生趣中經歷多歲若多百歲乃至若多百千俱胝那庾多歲受傍生身備遭殘害恐逼等苦罪未盡故於他世界從一險惡處至一險惡處乃至火劫水劫風劫未起已來備遭殘害恐逼等苦若他世界三災壞時彼匱法業餘勢未盡死已轉生餘方世界與此同類傍生趣中經歷多歲若多百歲乃至若多百千俱胝那庾多歲受傍生身備遭殘害恐逼等苦罪未盡故於餘世界從一險惡處至一險惡處乃至火劫水劫風劫未起已來備遭殘害恐

署一

十四

逼等苦如是展轉遍歷十方諸餘世界受傍生身備遭殘害恐逼等苦若彼諸餘十方世界三災壞時彼匱法業餘勢未盡死已還生此間世界傍生趣中從一險惡處至一險惡處乃至火劫水劫風劫未起已來備遭殘害

恐逼等苦若此世界三災壞時彼匱法業餘勢未盡死已復生他餘世界遍歷十方傍生趣中廣受衆苦如是循環經無數劫彼匱法罪業勢漸薄免傍生趣墮鬼界中經歷多歲若多百歲若多千歲若多百千歲若多俱胝

暑一

十五

歲若多百俱胝歲若多千俱胝歲若多百千俱胝歲若多百千俱胝那庾多歲於鬼界中備受虛羸飢渴等苦罪未盡故於此世界從一餓鬼國至一餓鬼國乃至火劫水劫風劫未起已來備受虛羸飢渴等苦若此世界三

災壞時彼匱法業餘勢未盡死已轉生他方世界與此同類餓鬼趣中經歷多歲若多百歲乃至若多百千俱胝那庾多歲於鬼界中備受虛羸飢渴等苦罪未盡故於他世界從一餓鬼國至一餓鬼國乃至火劫水劫風劫

未起已來備受虛羸飢渴等苦若他世界三災壞時彼匱法業餘勢未盡死已轉生餘方世界與此同類餓鬼趣中經歷多歲若多百歲乃至若多百千俱胝那庾多歲於鬼界中備受虛羸飢渴等苦罪未盡故於餘世界從一餓鬼國至一餓鬼國乃至火劫水劫風劫未起已來備受虛羸飢渴等苦如是展轉遍歷十方諸餘世界於鬼界中備受虛羸飢渴等苦若彼諸餘十方世界三災壞時彼匱法業餘勢未盡死已還生此間世界餓鬼趣中